

suo voler e l'acomodarà dil tutto; et dimandai quando partiria Soa Maestà, disse fra do giorni per causa di la pestilentia qual cresce grandemente, dicendo mi afermarò alquanto in Neustat. Ho inteso Soa Maestà tenir che a l'intrar dil Stato nostro se li mandarà do primari senatori a incontrarlo et accompagnarlo per il suo paese et quando sarà in Italia.

- 14* *Da Milan, di sier Zuan Basadona el dottor, orator, di 29 Septembrio, ricevute a dì 9 Octubrio, sono letere dil secretario di questo signor apresso Cesare et il frateło, di 16 et 20.* Come a li 21 quelle Maestà doveano partir da Linz per Viena et sariano li a li 23, ove consulterano quanto si doveano far, et designano s' il Turco se intertenisse ne la Carinthia ussir de Viena in campagna et andar contra el nemico, e quando se ne andasse disponer il soccorso de Strigonio et fare la expedition de Hongaria per passar Cesare poi in Italia per la via de Friul et poi andar in Spagna, et a far questo era molto sollicità da li soi, veduto Strigonio ha qualche necessitā, posto da Turchi li intorno il Rochandouff fo per securarlo, et cussi 40 barche da Posonio, con zerca 1000 homeni sopra, le qual imbatute per una nebia nei Turchi sono state prese senza poterse difender. Et parendo a li consieri de Cesare consultar sopra le cosse de Italia et quele considerar, sono stati serati do giorni et trattato l'imperator et potentati de Italia pagino 6000 todeschi per guardia de Italia, ma non è stā concluso, ancora si tien si concluderà in Viena; *interea* per la ritirata dil Turco fo terminato far tornar li fanti italiani che non erano ancor passati Ispruch, per il conseo, poi è stā revocato et fatoli marchiar avanti; che l'marchese dil Guasto havia fato decapitar Hironimo Leva causato esser sta capo di lo amutina-mento de spagnoli, et havia dito che esso marchese tirava page per 7000 fanti che non erano 4000. Sono arivati a la corte 30 milia seudi mandati dal Papa per l'impresa contra Turchi. Era de qui qualche voce se manderia monsignor de Prato a Roma per causa dil Concilio, qual non se facendo le cose passerano mal. *Item*, che il Turco era a campo a Graz, et li intrò 800 archibuseri dentro, il capitano Cozianer con molti cavali el qual era capitano zeneral in Viena è andato a quella volta et cussi el marchese dil Guasto et il signor Ferante con la cavalaria; l'avanguardia dil Turco se stimava avesse passā la Drava et andava ne la Bossina ove piava el camin de Belgrado, la retroguarda dove era Imbraim era restā da driedo da zerca 8 leghe.

I Diarii di M. SANUTO. — Tom. LVII.

Et in letere di 20 dil secretario Tegio da Linz, avisa che le gente di Viena erano ussite fuori a la volta de la Styria et Bohemia, erano a costo el Danubio de modo che lo exercito era pronto per unir-se, al qual è fata *etiam* bona provision de vituarie, et che in quel dì de 20 haveano hauto nova come il Griti et il Vayvoda et Turchi erano intorno a la Strigonio, et inteso el Turco era retrato *etiam* loro erano levati da l'asedio e redutisi verso Buda.

Dil dito, di 4, ricevute a dì sopradito, sono letere dil secretario Rizio, ch'è in Svizari, di 24 dil passato. Come volendosi redur a la bona fede quella natione era necessario removendo le pratiche universal convenirsi con li particolari, et mediante el dinaro acquirarli, et *maxime* comenzando a Zurich per esser el capo, et de zio ne ha dato aviso al reverendo Verulano. Scrive in Svizari ne son nova guera principia fra li 5 Cantoni et li 8 et che fano fanti et se adunano pur bernesi per castigar li catabanchi, et se dubita che siano ad altro fine. A li 6 et 16 dil passato facendosi una festa in certa villa sotoposta a Zurich vicina a Zuch di vilani dando voce che quelli de Zuch voleano asaltarli fata co- spiration vera fra loro, facendo dar a l'arme con alcuni tamburi voleano otenir Zuch et scoperta la cosa non se fece altro più avanti. Per allora li signori de li 5 Cantoni stanno suspesi et vigilando, hessendo fra li 5 Cantoni et li 8 mala disposition de animo, benchè li signori de Zurich fazino demon- stration de haver hauto a mal quanto fè li vilani havendo fato retenir in pregion alcuni de loro, et si crede li punirano.

Dil dito, di 4, ricevute ut supra

Scurtinio di 50 proveditori sora l'Arsenal 15 con pena.

† Sier Andrea da chà da Pexaro savio dil Conseio, qu. sier Beneto pro- curator	111. 52
Sier Marco Foscari fo ambasadore al Summo Pontefice, qu. sier Zuane.	107. 77
Sier Andrea Vendramin fo cao dil Con- seio di X, qu. sier Zacaria	85. 95
Sier Zuan Moro fo capitano a Padoa, qu. sier Damian.	104. 96
† Sier Lunardo Emo savio dil Conseio, qu. sier Zuan el cavalier	138. 42

Noto. La nova de la venuta de l'imperator in